

珂雪齋前集卷之八

公安鳧隱袁中道著

友人

詩

米仲詔湛園夜集看梅花分得七青韻

歲時不用嘆飄零勝地還忻聚德星  
恠石已驚呈幻巧寒花况復鬪清靈  
維摩居士存丰骨姑射仙人有典刑  
玉照堂前多艷麗質何如各理對  
芳馨

邀君御修齡諸公小集淨業寺并送李增  
華水部南還

西山樹裏碧嵯峨十里樓臺浸綠波景似江南  
堪一醉江南人去興如何

喜君御先生過宿次韻

未來先入夢那忍不頻過  
豎義維摩話譚兵馬  
伏波嚴城將徹漏西第尚聞歌  
話到圓通處風塵柰爾何

同君御修齡諸公夜飲米仲詔宅分韻得

豪字

纔動歌鍾興便豪左持大白右持螯非關楚國  
多才子自是詩人例水曹四壁石林雲乍破一  
簾花影月初高共知冶習泥邊絮沈約何須幘  
袖桃

修齡邀遊西苑有述

鷺羽追隨出廣途誰知清禁有江湖浮空皓雪  
瞻銀浦入樹黃雲辨葉珠寶閣乍停山轉淨瓊  
臺欲上徑尤紆峩峩魚甲仙都物羞殺秦松號

大夫

送修齡按貴州時苗部未平

小醜無端抗僻陬惠文冠在好處劉決然髮去  
難容虱誰敢刀存不買牛車逐火雲歸夢澤旆  
飛寒雨下黔州多艱時事須公等莫問漁仙渡  
口舟

白大行五石出使周藩有贈

白也維揚俊論交快此生夏雲詞鬪冶秋水骨  
同清屐跡追靈運輜程了尚平信陵席上客爲

我問侯嘉驪

君御過宿口占

古廟無人草色濃  
夜深寒雨滴杉松  
十年湘水飄零客  
今夕同聽長樂鐘

書許翁冊

燕趙有奇士  
被褐懷珠玉  
一發卽息機  
願神居  
岩谷隱德徐  
釋流上行庾  
誥屬九畹  
惟滋蘭百  
畝只種竹  
白波盟鷗鷺  
青山友麋鹿  
欲知著書  
多但看松  
鱗木仙不  
訪雲來禪  
不叩西竺  
問學



陶徵士北窗臥已足老學袁伯業青編常誦讀  
更有萊妻賢借隱安林麓種德如耳鳴貞淳挽  
澆俗闕風桐乳巢豐隆何用卜七荼迭雲興朱  
衣與華轂旣饒何氏簡復羸崔家笏西第敞華  
筵姪花映醪醑下有弄雛人黃髮咲相逐天欲  
酬潛德資之以異福優游地行仙永筭無須祝

海澱李威琬園大會詩八首

蒲目塵沙塞路蹊夢魂久已憶山樓誰知煙水  
青溪曲只在天都紫陌西鎮日浮舟穿柳澗有

時調馬出花畦到來賓主紛相失總似仙源徑  
易迷

二

百尺飛橋宛轉欄間香照影且盤桓蹊邊忽遇  
三侯石杖底驚逢八節灘仙驥止同家鶯狎國  
花長作野蔬看雨餘山翠濃如滴玄對還宜上  
露壇

其三

沉綠殷紅醉曉暉入林花雨潤羅衣盤雲只覺

山無蒂噴雪還疑水有機遂與江湖爭皓森可  
憐原隰摠芳菲何妨携襍同栖宿煙月留人詎  
忍歸

其四

追隨鷺羽到山阿梓澤蘭亭未許過移得好花  
遍榛苑引來飛瀑自銀河微風嘯徹捎雲竹輕  
雨香添帶露荷野逸繁華都不碍繞聞灌木又  
聽歌

其五



鴈翎檜覆帟紋墻夾道雕欄織畫梁錦石三千  
呈翡翠珠樓十二繞鴛鴦林端御水偏明媚霧  
裡西山半隱藏但喜追隨同沈謝何知池館是  
金張

其六

久矣煙波願未酬何期浩蕩泛清流江南豈有  
千人帳蘄北今饒萬斛舟錦樾蘭橈穿別浦繁  
絃急管過中洲一灣淨水菰蒲綠宛似瀟湘曲  
裏游

其七

煙雲繞見已顛狂把臂深林趣更長  
語鳥自能清熱惱流泉端的洗塵忙  
石無甲乙皆呈性花有新陳不斷香  
尺五天邊饒河府嬾隨逸少問金堂

其八

枝中見舞水邊謳盤馬登樓復蕩舟  
不但稻麻羅國卉直將車斗筭名流  
披陳奧妙皆龍勝描寫煙嵐盡虎頭  
佳會欲歸還訂約芙蓉花滿再

追游

後湖觀蓮同龍君御楊修齡馬康莊仲良  
兄弟蕭爾先飲

如何韋杜曲有此芙蓉池雨至綠先暗風來紅  
盡披深畦藏冶鳥臥樹走歌兒亦愛無花處浮  
空雪浪奇

西湖看荷花寄客

十里清流洗客塵銷魂芳艷滿湖濱秋來亦自  
堪行樂只恐荷花不待人

飲劉白石鏡園

湖上樓臺映雪明  
佳人招醉芙蓉城  
柳枝幸不遮山色  
荷葉偏能益雨聲  
遲月且登高閣坐  
穿花更棹小舟行  
長安豈是煙波地  
戲水觀魚愜野情

過史金吾玉泉山庄口占題壁

偶親碧岫容忽共  
清泉話大喜朝川  
庄歸予杖履下

其二

看竹不問主子猷大有韻若逢佳主人那忍不相問

其三

名園共韻人缺一皆成俗山水有清音還宜絲與竹

住中峯寺

宛宛磊珂路森森松栢林當風眠谷口背日坐山陰仰視星辰大俯看煙霧深晚嵐侵骨冷未許薄衣衾



碧雲寺

寶磴山全琢璇題日并懸金鈴長護果石白遠  
郵泉鳴脚葵含雪漁竿竹裊煙市塵如火炙洞  
裡冷難眠銀杏亦名  
鴨脚葵

臥佛寺

山深晝寂寂危塔冷斜陽萬畛香爲國千圍樹  
是王殿前有娑羅樹  
經云娑羅樹王覓泉源更遠尋石徑偏荒  
數里新篁路將無似楚鄉

又

別嶂都如舞袖披林含雪霰夏九宜和雲種菓  
全無地分水澆花不到池閒日閒身同客至老  
農老圃問僧知殿前千尺無名樹猶是開元大  
曆枝

古剎有感

泉自悲鳴花自開窻書鳥跡徑生苔精藍占去  
爲池館一歲何曾幾度來

送藩叅君御先生至晉

雄才豈合伴樵漁旌旆悠悠入舜墟九寒風塵

終借箸二陵煙雨暫停車雲邊康樂朝乘屐帳  
底征南夜注書莫憶仙源樓隱處中條山色照  
人裾

七夕集米友石勺園

聞說園林勝雖忙也愛遊到門惟見水入室盡  
疑舟棊鳥凌香雪尊壘映綺流藕花猶自好宋  
玉漫悲秋

二

不趁佳時至其如勝地何看山真是近得水最

爲多衣桁來沙鳥書床避露荷也忻吟灌木不  
碍更聽歌

池上樓詩爲張見一賦

青山在 cities 紅塵霏煙雨近嶂吐新眉澄潭流  
淨乳枕巘真臺榭開徑爲場圃風柯有清音霜  
葉代屢舞千里累糧游得之在步武飲食烟巒  
俱無勞攀躋苦客兒猶是客寧若君爲主未能  
忘曲蓋寧久與山伍張君素心人水石爲肺腑  
若入蓮社中必爲遠公取美哉池上樓日夕可

揮塵他年得追遊爲作山居譜

題宛陵吳思每尊公遺像

九京人去邈千秋堂上丰神尚可求  
宛似扶筇歸近岫猶如欹笠盍時飛  
流仙翁事業閒鷗伴令于文章倚馬  
傳隱德清風堪不朽漢家空貌赤  
泉侯

壽丁年伯

鷗鳥閒盟了不猜水紋山氣靜徘徊  
寶琴在室名珠在緇帙成書號玉杯  
家近淮南花似雪門



迎江水浪如雷稱觴此日須桐酒令子新從上  
苑來

梁中秘尊人榮封卷

陵霞高韻著華陽鶴轡將雛集帝鄉手結牛衣  
劉處士銘傳龍骨漢仙郎紫泥乍映蒲筇字蒼  
玉新鳴薜荔裳鷄樹鳳池清切處當塔紅藥助  
稱觴

湖上

十里丹樓似落霞一湖寒雪浸人家芙蓉斷處

輕風過盡寫徐熙沒骨花

送張收之赴銅仁府幕兼寄郡貳張昭余  
夜郎明月冷蕭蕭薄宦還驚去國遙路入五溪  
山萬疊憑君傳語問龍標

候考館無期南歸良鄉道中書懷

乘乾清淺石鱗鱗霧裡西山看漸真喜作江南  
題柱客羞爲丞相掃門人來時書劍猶秦士去  
日旌旄已漢臣莫恠榮歸翻下淚可憐不逮白  
頭親

過督亢

斷橋流水臥枯楊千里飛沙草色黃  
督亢如何穰勝地荆卿持去釣秦王

涿鹿邸中獨坐

旋風乍起似驚濤馬鐸卽當伴寂寥  
莫嘆長途無火食官槐墮葉儘堪燒

易水

流水沸雪曉湯湯古岸傾頽草樹僵  
此水何緣逢俠客至今兩字尚餘香

其二

葉聲繞寂雁聲哀一道清泉去不迴  
游客豈宜輕此水曾經壯士洗塵來

金臺

蕭條三戶冷炊煙凍浦流水韻悄然  
十載築臺親禮士如何止得一人賢

涇陽驛步龍君御壁間韻

千里飛沙蔽夕陽松柳久已失青蒼  
愁逢朔塞千層雪夢斷深閨五夜香  
載筆無緣隨左馬開

畦有日晤求羊等閒拋却塵緣去尋取山中福

布囊

用陸龜蒙事

途中懷先兄中郎

墮地何曾遠別離難忘官路並行時  
通宵懸塵  
眠嫌早冒雨登山到恨遲  
奮筆偶然矜寫字分  
箋時復鬪聯詩如今寂寂長途去  
急管繁笳止  
益悲

晉州署中與郡伯李素心夜話

鬚拂飛沙衣拭塵  
久勞魚尾暫休鱗  
無堪殮豐且溢



安遊子更漏分明重主人華燭開筵新意味寒  
燈書掌舊艱辛雞壇兄弟今誰在相看重驚現  
在身

邢臺令君王九生席上

西川才子專城屈國士門邊且任車沁雪滿斟  
刁氏酒帶霜新膾濟泉魚當筵不任霏佳屑秘  
帳懸知有異書話到爲民親切處傳家家譜尚  
然踈

邢臺亦有百泉濟水見處

黃梁祠

門外有池

楊葉滑官道溜痕塌古城荷花雖冷落潭水益  
澄清塔下道柯影幃中出鳥聲到鄰天尚早一  
拜呂先生

夜坐成安署中懷吳表海觀察

惜別五花館音徽詎忍忘吳猶存季子世尚有  
中郎楚雪都成帙秦風漸滿囊鹽車流汗日剪  
拂意何長

其二

豈但懷恩紀仁風暢郢畿蕭然留劔去不肯載

書歸旅館濃霜氣空堦冷月輝玄言人已遠對  
酒悵分飛

大名贈別郡伯陶葛闓

夢裏忽來魏博鄉扶風太守舊名卽蒲團坐處  
媿僧鬧尺牘來時怕客藏清淨自成經世法虛  
閒別有養生方年來好聚香光侶卜築真宜共

楚湘

陶工書

焦大令涵一邀游大伾山大伾寺山下卽  
黃河故道今湮

歷歷煙巒到轉遲朝酣乘興躡幽奇低回未忝  
豐柔處想像波濤震怒時石裏青林偏秀媚苔  
中綠字尚淋漓變遷靈谷尋常事定有征南舊  
日碑

其二

飛杯倚石瞰興亡風起雲生草木僵八相不遮  
曇跡冷九河失道禹功荒岸紋隱約存原隰石  
骨參差寫宋唐大任向聞今得見冥搜寧問客  
程忙

焦大令涵一邀遊浮丘山園

中宵猶自到山顛最喜峰巒在市廛  
衛水晚縈衣帶雪  
亾雲晴散寶爐煙  
不須燈火聊親月  
盡輟笙歌好說禪  
姑射城頭忻一醉  
總緣茂宰卽神仙

朝歌晤翁承熾步原韻奉答

桃葉頻年別朝歌  
此夜心飛騰  
期宿昔留滯到  
如今萍海呈瓊字  
浮湖出越吟  
又踈文酒會  
衛水一披襟



河上謠四首

北風吹岸沙千里捲塵霧白日不停留遊人何處住

其二

黃河岸接天日暮走平澤曠野少居人魂消獨往客

其三

今日捲蓬程當初携手路河梁一鴈鳴是我傷心處

其四

日暮北風生，刀刀號萬竅。似歌復似啼，逆風蘆管嘯。

渡黃河

如雪寒沙千里平，猛風雖盡浪猶驚。草經青女全無色，鴈過黃河別有聲。騎馬久無浮宅夢，倚蓬忽動蕩舟情。可憐廣武山常在，寂寞誰知豎子名。

過鄭州

乍遠黃河九曲紋管城孤塔掛斜曛圃田寂寂  
存秋草京水悠悠起暮雲林錦村中尋相國鐵  
鎗寺裡憶將軍褰帷隨意殮山色南北暗寒已  
漸分

禹州晤楊文弱于曹純原憲副席上

不須揮灑發新函把臂煙霞興已酣  
雙屐欲凌嵩少雪兩眉猶帶武山嵐  
最欣明燭添人喜稍厭清歌間我譚  
况是主君今繡帟相逢那忍不  
停驂

王言 卷之二  
遊鹿門寺同蔡丈人余溶之

入山不見寺禮佛乍聞泉  
七疊飛晴雪千年劃  
冷煙乍沾行客袂長伴老僧禪  
耆舊多佳韻臨  
流列綺筵

還里懷兩先兄

誰言故國下仙輶  
鴻鴈飄零骨已消  
石浦河邊  
雲寂寂柳浪湖畔  
草蕭蕭酒壇詩社  
基猶在佛  
國天宮路已遙  
記得當年行樂事  
鶴兒歌曲犬  
兒簫

上元日無煩弟宅中看燈

浮雲洗盡望舒來  
綠萼當門藉鹿胎  
十丈蜃樓迎劔佩  
九微花鎖照尊罍  
氤氲忽作公超霧  
笑語如驅漢朔雷  
午夜翻嫌絃管鬧  
携筇閑步呂仙臺

周調九過訪山園卽席贈別

花關無俗轍之子  
任行軒謁客書全  
滅醉息劍  
尚存月瀾清到骨  
梅蕊艷消魂  
時紅梅盛開  
五嶺何  
時返予將入薊門



將至玉泉公安道中

圭組雖然係煙蘿未忍忘買田償舊諾種樹試  
新方經雪江尤淨依流艸易芳栖遲吾豈敢聊  
以浣塵裝

浣市

流水縈孤市寒烟重近林游人來到此浣却利  
名心

松滋道中

寧帷對蜀雪最喜路臨流樹暗鳩茲國沙明燕

尾洲魚蝦村市集雞黍隱人留原不馳名利逢  
山卽便休

過松滋江亭次子美韻二首

濁浪彌天地低回過此亭映山松更綠臨水草  
先青棘裏碑難問舊有斷碑雲端路漸經春晴猶未  
穩點點照泥星

其二

煙霞獨往處轍跡暫閑時路轉逢江數雲停得  
岫遲未成辭祿計先遂買山私塵網如長繫

頭視此詩

予有終老玉泉之志

鄧茂才調元初度偶贈

不復營塵事優游草樹青  
看山來月嶺聽水過

江亭

月嶺江亭俱邑勝地

結子花千樹將雛鶴一庭  
贈君

杜陵語其作老人星

予美過松滋詩有其作老人星之句

贈龐玉渚

髯也超群甚清言獨啓予家鄰  
一柱觀腹貯九

丘書古紙藏經笥名花襟圃蔬懷蛟終變化努

力上公車

玉渚家藏澄心堂紙并牡丹一簾甚大

鄧心還園

鄧所居朱市  
名烟霞里

偶過煙霞里徘徊摩詰庄峽山當硯几字水濺  
書床語鳥隨歌拍飛花妬舞粧何須譚拜衮玩  
世似東方

一柱觀

一柱傳來久名區自可留經營依雪水移置向  
芳洲山尾蠶叢道溪連虎渡流峽峰如劍戟翻  
愛此平疇

枝江道中

楚國丹陽路未賒峰巒斷處又平沙溪深不障  
爛斑石梅老猶餘冷澹花水氣漾洲全似月山  
嵐收雨盡成霞風煙如此今方到悔不從前細  
汎槎

趙枝江鳳鳴邀游紫山卽席賦

姹松不斷綠導我上山顛峽水如堪漱春洲恰  
好眠送雲辭近岫指雨過平川小邑煩名士絃  
歌滿市塵

哭亡友宜都劉孝廉玄度十首



楚國饒才子君才未易過常驚思入地最愛口  
懸河嗣續偏愁少文章只恨多長生誇秘訣靈  
驗竟如何

其二

束髮爲良友雲霄每共期楚宮頻徵逐燕市苦  
追隨起舞舞聞雞夜高譚捫蝨時話來親密處難  
可告妻兒

其三

大韻超繩墨醞雞那得知買田同陸賈捨宅似

王維土木形骸古風霜字句奇文人雖不祀好  
語卽佳兒

其四

白猿誇異術青鳥詫奇傳九籥高譚道三乘浩  
說禪門門皆曉了事欠精研畢竟英雄氣何  
須效瓦全

其五

芥不污滄海瑕難損夜光分財猶有仲假蓋豈  
無商可咲生鴉雀羣譏死鳳皇通人別具眼寧

問俗雌黃

其六

才士原無命蕭條孰與君有人爭絕產無子護  
遺文清浦千層雪丹山五色雲我來人已逝撫  
景內如焚

其七

大行無細謹磊落亦堪奇小器輕朱勃多方學  
惠施伐桃千古恨埋玉一時悲淚以哀鴻盡重  
來哭故知

其八

身後遂如此登庭益痛酸  
升天生未易入地死  
猶難破壁留遺像空堂貯冷棺  
幸餘文集在檢

點爲君刊

時尚未葬

其九

西風吹敗屋狐兔走靈牀  
一劍非難挂孤舟何  
處藏賢妻忻徵士慧女羨中郎  
度曲青衣在聞  
歌淚幾行

其十

欲廢袁崧記難經陸抗城情輕姬輟哭詛重友  
吞聲文集編粗就梵宮構未成再來如有意切

勿似蕭生

許玄度後  
身為蕭譽

徐從善手定玄度遺文授予感而有贈

瓶雀難遮事竟休全憑良友足千秋蠅頭蠹尾  
行行認鳳羽龍鱗字字收竊注不須愁郭象訂  
文久已託楊修燈前手授慇懃甚纔見標題兩  
淚流

登宋山相傳宋女脩真處也



近岫眉初約，遙峰黛漸開。  
芝田存瓦礫，鶴徑長莓苔。  
人應隨神女，山原接楚臺。  
陸城寧寂寞，紅粉亦仙才。

其二

輕煙彈指淨，平野入朝暎。  
小水如江婢，羣山信蜀門。  
丹泉窺去冷，鏡石坐來溫。  
披棘尋蘭若，癯僧忽似猿。

又

丹井泉雖在，仙媛跡已荒。  
何如祠宋玉，千古重

詞場

過張無盡墳偶題

相業千秋笑佛燈  
萬古傳口門予苦窄不解代  
君詮

將往玉泉宜都道中

隔歲堆藍約穿雲未可遲  
山寒忻日炙人醉愛  
風吹碧嶂交圍處  
清泉亂語時  
盡言跋涉苦聞  
適許誰知

從善宅中有贈

繡帟雕龍志未酬  
養魚薙藥隱林丘  
宅邊山氣陰晴市  
門外泉聲日夜流  
秋浦煙雲樓李白  
伏川花鳥媚高柔  
春來景物真堪醉  
結子桃飛十二樓

初至玉泉晤無迹

盡謝紅塵事來尋  
白社盟區中潛寶契  
人外有交情水月  
非凡色松風豈俗聲  
法門最小弟不用  
過溪迎

別迹公

空門猶幸有知音握手松關去住心頭爾長年  
如寶掌遲予廿載卸華簪六時禮佛身常健十  
笏依巖住漸深投老別離非細事忘情亦自淚  
沾襟

光澤掌藩見招有玉蘭二樹盛開

曳履西園願不違蒼官籬下看芳菲銀灣浩浩  
潮爭陸珠樹亭亭鶴盡歸豈與寒梅同寂寞長  
如霽雪有光輝靈香國裏真憐客一片時隨酒  
學飛

贈張叔曜

懶作干時客相依閱歲華  
態寧同蛺蝶情欲結  
梅花得句如抽笋學書  
逼畫沙若逢遊覽勝亦  
解貌煙霞

艾仲美貽予以九品青蓮衣  
回作青蓮衣  
歌志謝

閨客仙絲世無二天孫機上呈  
工緻剪取吳淞一段秋  
移時卽證發光地綠窻  
刀尺響嬋娟何必裁  
衣效水田金針不繡  
凡花草只貌西方九



品蓮豈是尋常穠冶色異瓣殊鬚寫不得天畫  
依然萬八千曹家針神皆嘆息四大淤泥忽清  
爽娑婆彈指成安養清泰佛是諸佛尊青蓮花  
是蓮花長着來蕭散道場行不羨天衣六銖輕  
似瞻寶網交羅色如聆頻伽和雅聲此衣能醫  
焚惱疾終日聞香不破律帝女龍裳總俗胎王  
恭鶴髦皆凡質他年好作金方客寶池煜煜光  
相射披衣直向空中游朝嬉滿月暮香積白下  
仙卽世外姿意匠經營也太奇老來共作香光

酒間口占贈汪惟脩

一局公然列宦流何如斗酒取梁州又策斑駁

作遠遊小婦歡喜大婦愁

時有姬在京華

春燈夜雨對

金尊深譚往事尚消魂平原門下三千客幾個

知息解報息

惟修舊有患難予抹之故云

飲五弟天花館

紫栢翎遮屋新楊線拂墻歸禽無靜舌暮盡熾

穠香散步勞偏適傳杯興偶狂莫辭乘月醉鴈

羽又分行

入都門辭大人墓四言六章

吁嗟大人逝矣何所未見兒出但見兒處

其二

赫赫大人神其可度既見兒處亦見兒出

其三

後有場圃恐驚靈宅兒已夷之永種松栢

其四

後有井竈恐驚靈宅兒已平之永生矣麥

其五

兩兄之仕時與願違豐碑未主以俟兒歸

其六

兒今行矣何日遙歸樹影已滅淚猶沾衣

襄陽史郡伯夢斗召飲文選樓

層樓指顧興飛揚秀媚煙雲冠楚疆入座青山  
傳晚黛捲簾白雨送新涼低回季漢干戈跡彷彿  
南朝楮墨香羈客却忻鄰潤甫追隨叔子峴

山陽



襄陽令君王莪雲招飲文選樓

才大公多暇清言共倚樓看雲成快雨變夏作  
涼秋峴首嵐如滴魚梁水亂流高情欽父黨予  
豈草玄儔

黃廣文招飲文選樓

巖壑偏多態游人眼亦忙昨宵看惡雨今日送  
歸陽人語隨煙寂山容待月粧無雙江夏士文  
藻佐飛觴

夏日過伯和王孫魚中和僻間黃太史韻



最新停馬足得暫與鷗羣古栢偏藏雨初篁漸  
住雲百城聊自快二斗任人分深媿泥蛙客難  
追繡扇文

書淇縣公署壁

淇園有竹舊知名伐矢填河迹最明偏指玉芻  
殊未允支離真笑鄭康成

豫讓橋

清流漸涸見蒲根吞炭先生跡尚存委質自然  
輕一死何須國士始酬恩

保定署中初度

征輶正值射弧辰  
郵舍一尊共浣塵  
此日燕關  
乘傳客往年  
湘水泛舟人都無角黍  
添蔬席尚  
有榴花照葛巾  
南北東西聽任使  
如今莫話自由身

滹沱懷晉州守李素心社丈

十載蹉跎共敝裘  
專城今作漢康侯  
八行好付  
滹沱水一夜隨流到晉州

工部署中遇繕部卽李增華偶賦

仙曹偶爾奉清揚鳴佩追隨鴛鴦鷺行嗜水也忻  
爲水部愛山猶喜作山卽文書歷落蠶頭字帶  
鳥氤氲燕寢香彈指桃花源上別梅花署裡又  
相將

工部署中偶成

八座遲來署冷清人聲依約亂禽聲慵來偶向  
庭堦立指爪閒敲革帶鳴

贈劉玄暉

走馬彎弓出玉關長城一縷挂青山漢家文法

牛毛密莫效陳湯斬虜還

其二

青驄白馬健兒裝大醉徘徊古戰場秦月漢關  
那久住桃花結子待劉郎

口占送龔滄嶼大行表弟使福藩

金符玉冊下天門伊闕黃河帶礪存長袖飛來  
閒覽眺洛陽猶自有名園

其二

王程閒作看山人澹遠情懷迥出塵磨墨小鬟

堪送目無心更問洛川神

射圃看西山短歌

誰家肯作看山樓射圃無遮粗可游西山夏雲  
有無裏西山難與夏雲比玉狗金雞盡不成烟  
盡嵐翹故故生青山未能除冶習幻出美人如  
有情須臾風起天如掃依然冷碧天容好

送阮同年集之大行使閩

小阮知予勝自知經年相見又相思却憐鴈羽  
分行日正值西風脫葉時



其二

澹月微霜弄早秋  
才人出使太風流  
煙書嵐宇縹囊滿  
處處青山顧馬頭

其三

相逢唾霧總煙雲  
禽向終借襟乍分  
閩海山川不共賞  
一緘煩寄武夷君

其四

郎舍常餘三日香  
王程躡屐與飛觴  
堪殮燕玉妖韶甚  
休啖王家十八娘

改教疏下部有作

懶慢偷全病後身豈爲龍性果難馴東方宦跡  
惟逃世司馬家傳不治民鳩計一莖聊適性鷄  
營萬里枉勞神深秋鼓棹烟波去依舊登山涉  
水人

哭白五石大行

把臂西園歲甫周不堪消息自通州神清未是  
人間物思苦遂爲性命憂文考夢中呈魍魎賈  
生室裡兆鷓鴣中卽去後君隨逝帝所相逢好

唱酬

白詩學  
中郎

赴西陵侯宋伯亨席有作

林樾真無暑，追隨竟夜留。  
荷花爲麈尾，酒案代游舟。  
霞布依城寺，烟縈映水樓。  
主人多勝韻，才子漢通侯。

御河不敢用舟以藥酒者盛水之案如長盆可坐十人名曰酒案

淨業寺獨坐

城西湖水剩清涼，古寺凌波樹幾行。  
十里芙蓉通太液，一方蒲荻宛瀟湘。  
都無久雨妨行樂，忽有輕風伴坐忘。  
假寐偶然呼不醒，貪他魂夢也。

生香

劉百世鏡園七夕先夜風雨大作

着意尋花花事稀  
昨朝猶自飽芳菲  
風波欲冷黃姑約  
草木全彰白帝威  
繞郭遠山傳暮景  
窺林乳月弄微輝  
亦知投轄留賓意  
河朔年來興漸非

壽王翁

澍雨息游龍絕塵  
停駛驥歸來  
今山中山中釀  
可醉已悟蜘蛛隱  
遂同鷗鷺戲  
風吹褐布囊  
山



冷霞紋被倚籐瀑流雄歆笠峯容媚陳琴愛不  
絃作詩喜無字三萬六千朝無朝不把臂瞻望  
林間人非仙有仙致

送李仲達赴南康司理任

匡廬天下勝勝處在南康宿有烟霞志今來水  
石鄉畫輪沾瀑雪緹扇擁山光公隙都無事箋  
書與藜香

報國寺老松

古寺尋松幾度游炎威乍到冷颼颼孤株欲上



還中止老幹旁  
擎不肯休  
庸倒龍顛  
爭氣象  
大年羊月紀  
春秋大夫空  
領秦家爵  
何似山僧骨

韻幽

此松元時物也

報國寺

渭城人去且從容  
曲徑離離亂草封  
古刹依稀如小縣  
危樓彷彿似高峰  
雲翎霧羽千章栢  
鳳翥龍騫幾樹松  
日暮凭欄虛閣裏  
直西雲岫翠重重

姜翼異龍先生偕元配胡夫人雙壽詩

清時黻佩歲年高  
眼底龍文與鳳毛  
長舉人間青玉案  
不須天上赤霜袍  
千巖秀色爭迎杖  
萬壑泉流盡泛桃  
九百九枚何箇在  
金貂七葉漫雄豪

又代

家庭朝典世爭傳  
霧嶠雲庄閱歲年  
王謝兒孫皆著藻  
劉樊伉儷總登仙  
青藜紫橐風雲接  
赤界黃書日月懸  
經術由來崇漢代  
當年萬石漫稱賢

鞏華城南樓

內即  
皇邸

積嵐藏野市流水繞高甍玉砌朱桃墜金鋪碧  
草封亂山遮塞北一罅走居庸漸覺塵緣淨將  
追禽向蹤

其二

不遠神京路遂親漢朔天南瞻雙闕樹西認九  
陵煙帝邸龍鱗耀軍儲雀尾連漢關曾一度及屈  
指已多年

城外蓮舟  
畢集

法雲寺

直北西山曲峰巒似劍鋒近  
皴飛雨點高嶺入  
星光西水浸茶竈東泉繞飯堂  
雙流鳴玉雪滾  
滾赴魚梁

病餘偶成

身入羶途已二年銅烏蓄口罷  
罷譚禪浮名應作  
高官障多病翻成靜者緣  
風過蔬畦交薤字雨  
清石徑盛苔錢  
昨宵忽作家園夢  
咲上車湖舊  
釣船

贈鹿苑呂居士

長安擾擾利名場幾見蓮花出水香解得西江  
一口吸有家不必付清湘

黃山八景詩爲張給諫華東賦

兔柴

眼底非凡界何須向僻陬天孫分秀嶂地媪資  
清流爽豁峰巒峻紆迴洞壑幽殷懃搗藥使此

處卽丹丘

華東步山間有兔突起去視其  
處形勢最勝定爲別墅因名

超然洞

金堂如有待玉室許誰來春水桃爲導仇池穴



正開千山分點墨萬井辨飛埃  
邃秘還虛朗光明近帝臺

對仙樓

莫向蓬瀛去焚香坐此樓  
鳥鳴知晝夜花發辨春秋  
赤鯉真人過斑龍姹女游  
功成須早至黃石待留侯

柿泉

秋容無限好散步暢幽丘  
獨倚酹霜樹來觀沸雪渠  
汲泉聊漱齒拾葉且臨書  
若把寒潭比君

心較澹如

問偈山房

齋後游山好，悄然轉覺親。  
曇磨無半字，童子漫東訶。  
白月田中鷺，紅羅扇裏人。  
知君深薦取，端坐鳥啼春。

坎井

和雪惟添冷，浮花祇益香。  
庶泉同皎潔，孝水共清涼。  
蔬甕何辭抱，棹機久已忘。  
山家存素朴，奢侈咲銀床。

佛跡石

愛此玲瓏質鏗然觸瘦筇移來元鹿苑死分得自  
驚峰幻竅霞紋市奇皴雪浪重佛魔都不用看  
作兔狐蹤

甬頭岬

突兀都無地凌虛小寔齋不爭龍尾道偏愛扁  
頭崖去只邀雲伴來應得鳥偕臥游亦自好宗  
炳靜登懷

壽陳眉公六十

湖渚生來作道民，扁舟皂帽幾經春。逃名怕作  
仙人障，息影真成靜者身。十畝蔬畦書薤字，數  
椽茆屋繞松鱗。華陽猶自慚高隱，輕與時君問  
答頻。

贈蕭封公

擲却毛錐鬢尚玄，閒攀碧岫溯清泉。身藏何必  
留文字，機息真宜對酒船。柳市投車高會客，銅  
街躍馬小遊仙。八簫宮棨兒曹事，爛醉花前不  
計年。

將赴新安任出都門

喧極翻成靜，悠然出帝畿。  
人因南去喜，春在臘前歸。  
風軟貂猶謝，晴酣羽尚揮。  
不須吹玉律，到眼盡芳菲。

雄縣道中

纔出江南路，遂逢蘆葦村。  
遠山真似暝，近水忽如言。  
古邑惟蔬圃，荒垣見樹根。  
鴈行乘傳侶，蕭瑟一人存。

過鄭州城



燕南垂兮趙北際中央不合大如礪當時公孫  
併幽州自云此中可避世避世莫思避此身傳  
呼盡用徒婦人袁家鼓角天中至城內見卽心  
膽驚蕭蕭易水帶水流北風吹沙動地愁追惡  
悲歌慷慨士荆卿過去又田疇

白溝河

寂寂黃沙去誰言翠輦過可憐張叔夜哭死白  
溝河

德州張民部鍾石署中同馬遠之分韻予

曾訪舊友劉元定飲此

尚不迷松徑猶然識柳衙  
暗城纔吐月凍樹盡  
生花共和尊前雪同瞻  
眉上霞回思池水滿荷  
葉擁浮槎

馬郡伯北海招飲泛舟

不意塵中軫能爲物外游  
南來纔見水冬煖一  
浮舟沙鳥隨歌拍冰枝  
襍酒籌時艱真可慮猶  
幸有康侯

馬郡伯遺予墨竹

拔地神清健凌霄骨格清可知文氏派不獨在  
彭城

趵突泉兼呈大中丞李夢白直指畢東郊  
二先生四首

按牒尋流杖幾穿鵲華原畔見靈淵祇疑伏地  
烹砂火能作騰空沸雪泉龍女捧珠同日月天  
孫飛乳潤山川無端出沒呈奇變盡手猶難吳  
道玄

其二

獨立石梁看幾迴雲蒸霧委逼人來天生珠樹  
聯翩映地涌蓮花次第開一部鼓吹喧晝夜三  
分鼎足震風雷泉有下流水性翻同火魯國儒  
生仔細猜

其三

草樹全呈白帝威水花泉蕊更芳菲嶺頭踴躍  
非關咒漢上淋漓不用機忽地喧騰遮客語有  
時翔舞上人衣中宵如傍銀灣宿骨冷魂清夢  
不歸

其四

泉上閒聽野老言果然往復徵乾坤消溪昔作  
鮫珠滴滂湃今同軸雨翻偶爾靈源迴地脉都  
由福曜在天龜會看其液從茲澍賜履山河總  
被恩

千佛寺

寺前正對  
華不注

疊疊烟雲地何妨近市塵城中湖弄雪甸外水  
生煙前嶺囊錐出層峰鐵甕懸今朝華不注偏  
與我周旋



靈巖

秀媚山巒傍岱宗天孫縷結翠重重石花珂藟  
深藏寺蠟淚螺烟巧作峯一勺已嘗法定水千  
章真愛朗公松數年赤地飛泉斷我欲潭邊起  
睡龍

登岱宗十首

岳勢同雲氣天然秀迤嶺稀水獐添瀑韻樹蛟益  
山威地軸孤峰盡義輪午夜輝層稜骨理別不  
必較芳菲

其二

穴底窻猶遠珠中曲莫借前人踏皂帽後侶戴  
青鞋九地陰霾壑三天瘦削崖飛禽難到處隱  
室似鳩柴

其三

不遠蓬玄路攀躋莫厭勞剪峰成葢葉插漢盡  
波濤大海環三界中原僅一毛由來天下小况  
復此山高

其四

近水如飛縷遙封似列村孤高呈海蜃尊特壓  
天龜射首同鬟婢徂徠豈弟昆古人饒目力曾  
此見吳門

其五

千秋填海曲五岳重神房典禮從三代尊崇歷  
九皇石消遺宇隱地老舊壇荒人主通天事儒  
生不敢詳

其六

風日今朝好遍游按舊圖攀嵯忘失脚入洞倦

垂顧亦壁錐何厲汚雲墨盡塗秦碑差可語有  
字不如無

其七

天際瞻蒼翠今宵此處眠近人山月皎照壁海  
霞鮮瑟瑟穿嵯樹熒熒帶雪泉何須尋玉簡夢

已告長年

是夜得  
佳夢

其八

凌冰雙屐緩撥雪一簾艱偶到黃花洞重逢翠  
羽山龍章前作闕鳳質後爲關蔗尾居然似游

人且莫還

其九

極目神臯地蕭條滿大荒祈年何切切遍雨竟  
茫茫青帝非無意蒼生合有殃主人供酒食三  
嘆不能嘗

其十

莫話登封事民艱值此時巢梁無故燕依井有  
新葵好雨同甘露嘉禾等瑞芝三公神秩貴福  
國竟如斯



登岱山還東州守侯佩之

歷險皆平善相看賀一卮  
峰巒隨客到神骨有誰知  
九子寧尤物三峩失秀眉  
主人應仲遠模寫益新奇

文宇王孫園同少府龔我醒  
司理呂豫石見所貞白隔歲預  
作上元之宴卽席賦

處世忽如夢爲歡貴及辰同  
偷忙裏適共賞臘前春枝蓋  
千燈映繩竿百戲陳主人富麗藻詩  
畫總清新







殘碁禹跡孤桐寺秦功大篆碑生屈文藻國名  
勝尚多奇

其二

澹煙呈異色古溜發奇章依土何須蒂彌天盡  
欲翔微歛忻有宇中斷嘆無梁試望層顛上石  
帆幾葉張

鄗亭見亡友白爾亭壁間詩感賦

是我同聲友維揚一俊人春花生齒頰秋水作  
精神訪岳盟何在憂時墨尚新漏鍾三十六定



數湧悲辛

丙辰春予在京華爾亨邀予城西極樂寺晤言爾亨時年三十六謂予日

予往得一異夢夢至帝所予詢以壽帝日汝試聽我殿前鐘聲予即靜無聽之擊至三十六而止予日壽止三十六耶帝無言但令予歸今年予三十六矣恐定數不可逃也至秋病歸而逝得年果三十六

全椒道中

高峯已下日凹處尚留明深嶂傳燈火暗橋沸  
水聲風緊車尤嘯石狎馬忽驚香泉知不遠急  
去洗塵纓

香泉

如此溫泉沸四時不須凡火也稀奇可知清泰  
如來國定有蓮花七寶池

采石

風起浪噴巖宮商幻餘竅青林作冶粧大江爲  
寫照雪花忽飄瞥謝家山已皓依巖一夕眠骨  
冷絕夢到彷彿青蓮魂登頂發清嘯曉起弄新  
晴千山濃雪耀

其二

清寂何曾似宦游鷗鳧結伴此溪頭祇緣柳下

安卑秩仍效玄真作隱流  
雨急漁翁剛住釣風  
來估客共維舟謝家山  
色屋然好不得移栖且  
暫留

姑熟溪

雪霽山日生光輝發皓白  
小舟覓故人謝家山  
咫尺溪行向南去屢顧  
戀采石寒林夾清渠澄  
潭晒網集魚鷹沙上行  
嘴似珊瑚赤曝背忽成  
眠此中莫喻適

雨泊采石

銀竹漫江來  
菁林如翠羽  
不愛采石月  
偏愛采石雨

其二

盤旋小舟中  
閒話雨聲裏  
舒樸卽成牀  
卷樸卽成几

除日采石阻風蕪東曹元甫

竹箭走西陵  
忽過天門嶂  
稷雪亂飄揚  
微吟寄小舫  
千頃白鷗波  
中有青蓮相  
風驅雲盡飛  
山約水彌壯  
峰似寫眉煙  
松窮偃蓋狀  
時倚依巖

樹細聽觸石浪薄宦亦何爲所志在清曠北來  
塵路窮仍得遂微尚除日峨眉亭茲游亦何暢  
寂寞更何辭所喜絕塵鞅我有同心友塊處抱  
悽愴如此秀山川未得偕禽向結伴固有時茲  
來未可望水泊予所安君無憂旅况

采石歲暮卽事

秀冶堪怡目凌冰一上臺吳山隨雨沒蜀雪打  
巖回松禿橫蒼幹石文繡紫苔我藏數斗酒聊  
以薦仙才



其二

積水明村市孤山塞古津臘殘無霽日歲暮少  
閒人麻米陳清供鷗鳧作近隣故園梅正好不  
上小烏巾

戊午元旦采石舟中試筆時值大雪

織塵不到小舟邊天賚餘生藺澹綠有寺有樓  
何異宅非官非隱亦疑仙愛山恰好添鮮色作  
客同忻兆稔年鳥跡人踪都滅盡携筇一拜李  
青蓮

雪中登峨眉亭

戴雪來山頂遊踪亦太豪  
壓林披竹栢迷險犯  
波濤尚覺江身濁微分岫影高  
截流飛一葉得失嘆毫毛

雪中讀夏渢山歛浦詩有作

唐聲久不作大雅見斯篇  
玄澹同摩詰清靈近  
浩然才情寧作我法度更從先  
一帙蓬牕下微吟雪滿船

我眉亭懷曹元甫

昔讀太白詩君才依然是每思太白顏君貌分  
明似快哉我眉亭水急石齒齒宿霧一朝開謝  
家山盡蕪何必懷故鄉青山山洵爲美况有素心  
人風味如蘭芷一屢寄煙嵐終當共吾子

雪霽放舟東下

初曦粲粲泮蓬冰慈老山頭水更澄兩岸雪山  
相照耀千帆結陣走金陵

其二

濤聲滂湃似奔雷兩道飛蓬水上開雪裏鐘陵

天外影牛頭繞過燕磯來

上元日李大中丞順衡席上聽新聲賦贈  
今宵良宴會綺席試春風芳草迎裴令穠華擁  
謝公玠厨傳郇國名酒敵新豐三雅杯繞設九  
微火正烘交光奪滿月奢帶剪長虹妙選平頭  
冶時翻樂府工燈明花更麗肉好竹難同乍落  
直穿地俄騰仰注空輕盈飄弱絮銛健挽強弓  
獨出絲抽繭曹喧葢聚蜂呢喃和喜燕嚙唳寫  
驚鴻響激珠頻串音殘縷未終度針喉巧幻裹

鐵調圓融銀竹迷鳴箭全羊積艷虫兒尊花露  
裏象板雨聲中酪薦奴茶茗腴刪帝笋菘騷壇  
親徵曲幕府舊平戎且倚鸞臺醉安知麟閣功  
九邊酣戰壘三徑息英雄按拍譚奇正臨枰話  
守攻文章裁白紵韜畧課青僮歡駐千莖綠閒  
留兩頰紅鄴侯生鎖骨弘景晚方瞳何幸逢投  
轄無煩嘆轉蓬廣陵當卜築杖屨侍仙翁

揚州早發

煙水緣何熟經旬只住舟隨風登采石帶雪出



揚州春後寒猶重江南草漸柔閒情久已澹勝  
侶覓沙鷗

廣陵重會吳季美值其五旬初度賦此贈  
之

邗溝重把臂玄鬢向來人曦日隨他換煙雲娛  
此身壯年先入道囂迹豈關神遲我爲臺向同  
游世外春

送方子公兒子思純

猶作無家客重逢淚不乾多年亡父母何計緩

饑寒破柱尋書失開松覓劍難終懷立首志清

水載遺棺

時將往臨清載其父旅櫬還

珂雪齋前集卷之八終

乾隆二年九月